

## **Qimmeqarneq pillugu Kommune Qeqertaliup ileqqoreqqusaa**

Qimmit qimuttut kiisalu qimmeqarneq qitsuuteqarnerlu pillugit Inatsisartut inatsisaat nr. 18, 30. oktober 1998-imeersumi § 13-imi imm. 1 aamma § 28-mi imm. 2 aamma 4 naapertorlugit, Inatsisartut inatsisaatigut nr. 23, 22. novembari 2011-meersukkut kingullertut allanngortinneqartumi aalajangerneqarpoq:

### **Kapitali 1**

#### *Aallaqqaasiut*

§ 1. Ileqqoreqqusaaq una Kommune Qeqertalimmi qimmeqarnermut atuuppoq.

Imm. 2. Kommunimi nunap immikkoortortaa qimminik qimuttoqarfiunersoq qimuttoqarfiunnginnersorluunniit, qimmit qimuttut kiisalu qimmeqarneq qitsuuteqarnerlu pillugit Inatsisartut inatsisaat sukkulluunniit atuuttoq naapertorlugu aalajangerneqartarpoq.

### **Kapitali 2**

#### *Qimmeqarnermut aalajangersakkat nalinginnaasut*

§ 2. Kommune Qeqertalimmiqimmeqarneq akuerisaavoq aamma Kalaallit Nunaanni qimmeq qimuttoq kisimi pigineqarsinnaavoq.

Imm. 2. Qimmit allat pigineqarsinnaapput, sulilluni qimmit aamma innarluutillit qimmii ikiuuttartut pineqarsimappata, tassungalugu akuersissummik Naalackersuisut tunniussinikuuppata.

Imm. 3. Qimmit qimuttut, qimminik qimuttoqarfiusunit anninneqarsimasut, Naalackersuisunit immikkut ittumik akuersissummik pissarsereernerup kingorna eqquteqqinneqarsinnaapput.

§ 3. § 14 innersuullugu, Kommune Qeqertalimmit akuersissummik allaganngukkamik pissarsereernerup kingorna aatsaat qimmeqartoqarsinnaavoq.

§ 4. Qimmeqarneq aamma qimmilivinnik pilersitsineq nunaminertani siunertamut tassunga nassuiarneqartumi aamma Kommune Qeqertalimmit tunniunneqarsimasumi taamaallaat pisinnaavoq, tak. Kapitali 3.

#### *Piumasaqaatit*

§ 5 Uumasut pillugit malittarisassat sukkulluunniit atuuttut naapertorlugit qimmit akiuussutissamik kapineqarsimassapput.

Imm. 2. Akiuussutissamik kipitissimanermut uppenarsaat uumasut nakorsaata tunniussimasaa imaluunniit qimminik nakkutilliisup atsiorsimasaa uppenarsaatitut atorneqassasoq piumasaqaataavoq

Imm. 3. Perlerornermut akiuussutissamik kapitissimanermut (allagartamik) kisitsimmik ilisarnaammik ilaqartumik, qimminut nakkutilliisumit tunniunneqartartumik, qimmit qungasequteqartinneqassapput.

Imm. 4. Allagartamik annaasaqarsimagaanni qimmit ataasiakkaat tamarmik immikkut kisitsimmik ilisarnaatissaannik pissarsiniaqqinnissamut qimminik piginnittoq pisussaatitaavoq.

§ 6. Piginnittup kinaassusersisinnaanissaa periarfissikkumallugu qimmit qungasequteqassapput, assersuutigalugu piginnittup oqarasuaataata normunik imaluunniit perlerornermut akiuussutissamik kapitinnermut kisitsimmik ilisarnaammik ilaqartumik, qimminik nakkutilliisumit tunniunneqarsimasumik.

§ 7. Qimmini pillugit kommunimut paasissutissanik ingerlaavartumik nalunaaruteqartarnissamut qimminik piginnittoq pisussaatitaavoq, tak. § 17.

§ 8. Qimmit arfinilinnik qaammateqalereersut tamarmik pitussimatinneqassapput, mattusimatinneqassapput, ungalusaniisinneqassapput imaluunniit pituutaqartinneqassapput. Tamannattaaq qimminut arnavissanut naartusunut aamma piaralinnut atuuppoq.

Imm. 2. Sulitilluni qimmit naalackersukkat, qimmit illoqarfiup killeqarfiata avataani piniarnermut imaluunniit sunngiffimmi sammisanut atorneqartut aamma naalackersugaasut kiisalu qeqertani qimmilivissatut akuerineqarsimasuni qimmit inissinneqarsimasut imm. 1-imi aalajangersakkamut ilaatinneqanngillat.

§ 9. Qimmit ullut tamaasa takusartarnissaannut aamma panertumik inissimaveqartinnissaannut, oqqiffeqartinnissaannut naammattumillu ineqartinnissaannut qimminik piginnittoq pisussaatitaavoq. Tamanna qeqertani qimmilivinniittunut sikumiittunullu qimminut aamma atuuppoq.

§ 10. Qimmit uumasut piniariartarfinnut imaluunniit aallaaniartarfinnut, qimussimik angallannerup imaluunniit qimussimik sukkaniunnerup nalaani, qimminik piginnittumit qimanneqaqqusaanngillat.

§ 11. Nuunnermi imaluunniit aallaqqanermi qimmit pisariaqarneratut nakkutigineqartinnagit qimminik piginnittumit qimassaanngillat.

§ 12. Qimmit kigutaat ileqquliutiinnarlugu ajoquseqqusaanatilluunniit peerneqaqqusaanngillat.

### **Kapitali 3**

*Qimmeqarnermut, qimmiliveqarnermut ungasissutsimullu tunngasunut immikkoortortat akuersissutillu*

### *Qimmeqarnermut immikkoortortat*

§ 13. Qimmeqarneq immikkoortuni sukkulluunniit kommunip pilersaarutaani imaluunniit qimmeqarnermut kommunip pilersaarutaata tapiani, matumani immikkoortortamut pilersaarutip aalajangersagartai ilanngullugit, atuuttuni nassuiarneqartuni akuerisaavoq.

Imm. 2. Immikkoortut, matumani nunaminertat akugassiissutit ilanngullugit, sanaartormik suliaqarnermut atatillugu utertillugit tiguneqarsinnaapput, taakku immikkoortortamut pilersaarut naapertorlugu immikkoortup siunertaanut naapertuuppata.

Imm. 3. Immikkoortut, ukiup ingerlanerani ilaannikkooriartutik qarsutsitsisartut, piffissani taakkunani qimmilivittut atorneqaqqusaanngillat, tassa qimmit tamatigut panertumik inissisimaveqartinneqartussaammata.

Imm. 4. Qeqertani, piffissat qaanngoqarfiusut qimmit ipinissaannut aarlerinartorsiorfitsiffiusut minillugit, qimmilivissatut akuerisaasuni qimmit inissinneqarsinnaapput, nunaminertamik atugassinneqarsimaneq tunngavissaatillugu.

Imm. 5. Imaata sikua ukiuunerani qimmeqarfittut atorneqarsinnaavoq - Matumani nunaminertamik atugassinneqarsimanissaq pisariaqanngilaq. Ukiukkut imaata sikuanik atuinermi, nunamisut qimmeqatigiit akornanni qimmit pituffiisa takissusissai aamma ungasissusissamut piumasaqaatit assigiit atuupput.

### *Qimmeqarnermut akuersissut aamma nunaminertamik atugassinneqarneq*

§ 14. Nunaminertamik atugassiinermut kommunip nalinginnaasumik aalajangersagai naapertorlugit qimminut piginnittoq qimminut nunaminertamik atugassiissummik peqassaaq, taanna nunaminertaq atugassiissut pillugu nassuiaammik imaqassaaq matumani piumasaqaatit aamma kalunnerit, quit aamma ungaluukkat il.il. saneqarnerinut inissinnerinullu piumasaqaatit ilanngullugit. Nunaminertaq aamma kommunip qimmeqarfianut atugassiissutaasinnaavoq, taamaaqataanik inatsisitigut piumasaqaatitigullu inissisimasumik.

Imm. 2. Nunaminertamik atugassiissut piumasaqaatinik atugassarisanillu ilaqartoq, qimmeqarnermut akuersissutitut aamma atuutissaaq.

Imm. 3. Qimmeqarnissamut akuersissummik aamma nunaminertamik atugassinneqarnissamik qinnuteqarnermi tulluuttut ilisimatitsissutigineqassapput:

- 1) Qimmit qaammatinik arfinileereersimasut amerlassusiat kiisalu qimmit immikkut tamarmik ukioq akiuussutissamik kapitiffiat kingulleq aamma ukioq erniuffiat.
- 2) Qimmiaqqat qaammatinik arfiniliisimangitsut amerlassusiat.
- 3) Qimminik nakkutilliisup atugassai eqqarsaatigalugit qinnuteqartup attaveqarfiginissaanut paasissutissat.

Imm. 4. Marlunnik ikinnerusunik qimmeqarnissamut qinnuteqarnermi tamanna pillugu tunngavilersuutigisaaq allakkatigut saqqummiunneqassaaq.

Imm. 5. Qinnuteqaammi uppersararneqassaaq, uumasut nakorsaqarnerat pillugu aalajangersakkat atuuttut matumani akiuussutissamik kapitissimanerit ilanngullugit, eqquutsinneqartut.

Imm. 6. Qimmeqarnissamut akuersissummut atatillugu qinnuteqaammik kommunip sularinninnerminut ilaatissavaa, qimmeqarnermut nunaminertamik atugassiissummik qinnuteqartoq siusinnerusukkut eqquutsitsisimannginnersoq, ileqqoreqqusamik imaluunniit qimmeqarneq aamma uumasunik illersuineq pillugu inatsimmik unioqquutisisimanersaq.

§ 15. Akiuussutissamik kapitinnermut qimminullu nunaminertamik atugassinneqarnermut akiliutip malippaa, kommunip sukkuulluunniit atuuttumik Kommune Qeqertalimmi akit allassimaffiat.

§ 16. Qimmeqarnermut akuersissut inuup nammineq pigivaa aamma inunntut allanut tunniunneqarsinnaanngilaq.

§ 17. Kisitsinerit aamma akiuussutissamik kapitinnerit pillugit § 14, imm. 3-5-imiittut paasissutissat Kommune Qeqertaliup qaammatit pingasut tamaasa nutartertarpai, Uumasunut Nakorsaqarfimmut Inuussutissalerinermullu Oqartussaaffeqarfimmut nalunaarutigineqartartut.

Imm. 2. Akuersissut tunniunneqarsimasoq aamma nunaminertamik atugassiissut tunniunneqarsimasoq siunertamut atorneqarunnaartoq pillugit Kommune Qeqertalimmut ilisimatitsinissamut qimminut piginnittoq pisussaaffeqarpoq.

Imm. 3. Qimminut nunaminertamik tulluurtumik allamik atugassinneqarnissamik qimminik piginnittoq Kommune Qeqertalimmi qinnuteqarsinnaavoq.

§ 18. Kommune Qeqertalik sanaartornermik suliaqarnermut atatillugu qimminut nunaminertamik naleqquttumik nutaamik qimminut piginnittumut atugassiinissamut kiisalu nunaminertap sanillerani nutsernermilu ikiuunnissamut pisussaaffeqarpoq, matumani nunaminertamik atugassinneqarnermik atuuttumik qimminik piginnittoq peqassasoq tunngavissaatillugu.

### *Qimmit inissaat*

§ 19. Qamutini imaluunniit qimmilivinni tamani nunaminertamik atugassiissummut ilaatillugu Kommune Qeqertalimmit allagartap tunniunneqarsimasup inissinneqarsimanissaa piginnittup isumagisussaavaa, ersarissumik allanneqarsimassapput tulliuttut:

- 1) Qimmiliviup normua, nunaminertamik atugassiinermi allanneqarsimasoq.
- 2) Piginnittup aqqa, imm. 3 naapertorlugu.
- 3) Piginnittup oqarasuaataata normua toqqaannartoq imaluunniit najukkami attavissap normua, imm. 3 naapertorlugu.
- 4) Inissisimaffimmiittut qimmit qaammatinik arfinileereersimasut amerlassusiat.

Imm. 2. Allagartaq ersittumut inissinneqassaaq imatullu portutigissalluni ukiukkut apummit matuneqarsinnaassanani.

Imm. 3. Qimmip piginnittuata attaveqarfigineqarsinnaaneranut paasissutissat taamaallaat taassuma kommunillu atsiorlutik akuersissutaat aallaavigalugit tunniunneqarsinnaapput.

§ 20. Nunaminertap atugassiissutaasup saligaatsuutinnissaa torersuutinnissaalu qimminik piginnittup akisussaaffigaa.

Imm. 2. Erngup atoriikkap inissisimaffimminngaanneersup najugaqartunut illunullu eqqaamiorisanut akornutaannginnissaanik isumaginninnissaq qimminik piginnittup pisussaaffigaa.

Imm. 3. Kommunip pilersaarusiorderanant naapertorlugu immikkoortortanut aalajangersakkat aammattaaq qimmit inissisimaffiata ilusilersorneranut piunasaqaatinik aamma aqquserngup tungaanut ungalukkiornissamut periarfissamik imaqsarinnapput.

Imm. 4. Nunaminertanik atugassiinermut kommunip nalinginnaasumik aalajangersagai naapertorlugit nunaminertaq atugassiissutaasoq utertinneqsarinnavaoq taanna sumiginnarneqsarinnappat.

Imm. 5. Nunaminertap atugassiissutaasup ilusilersorneranut atortussianik sanaanillu atuineq, avatangiisit illersorneqsarinnissaat pillugu sukkulluunniit inatsisit atuuttut naapertorlugit pissaaq.

§ 21. Qimminik nakkutilliineq nerukkaanerlu eqqaamiorisat mianeralugit ingerlanneqartassaaq pingaarnertullu nal. 06.00-ip aamma nal. 23.00-ip akornanni pisassalluni.

§ 22. Illup iluani qimmeqarneq Kommune Qeqertalimmit immikkut ittumik akuersissummik piunasaqaateqarpoq. Illup iluani qimmeqarnermi piunasaqaatit § 14-imi, imm. 3-6 suli atuupput. Taamaattoq qimmeqarneq § 2, imm. 2 eqquutsillugu pisinnappat tamanna atuutinngilaq.

Imm. 2. Illup iluani qimmeqarneq tamattutaaq inissianik piginnittumit akuersissummik piunasaqaateqarpoq, taanna qinnuteqaammut kakkiullugu ilanngunneqassaaq.

#### *Qimmit pitussimanissaat*

§ 23. Qimminik pitussineq kalunnernik savimiusunik atuinikkut pissaaq.

Imm. 2. Qimmit pitunnerinut allunaasanik atuineq, utaqqiisaasumik atortulersuutitut aamma qimussernermut atatillugu taamaallaat pissaaq.

Imm. 3. Nunaannarmi qimusserluni angalanermut atatillugu qimmit angalatilluni kalunnernik angalalluni atorineqartartunut pitunneqsarinnappat.

§ 24. Kommune Qeqertaliup innersuussinera malillugu kikiassuarnik qajannaarsuutunik qillerineq taamaallaat pisinnavaoq.

§ 25. Qimmit pitunnerannut atatillugu ungasissuseq, qimmip qingaata aamma sugaluarnersup (qimmeq alla, aqqusineq, illu il.il.) akornanni ungasissutsitut uuttorneqassaaq, pituutaaq sukangasoq uuttuusiullugu.

§ 26. Qimmeq kalunnerit atorlugit pitunneqarpat, pituutaa naannerpaamik 3 meterinik takitigissaaq qimmillu qungasequtaa sukkulluunniit kaanngartinneqarsinnaassalluni. Qungasequtit sukakkiartortartut atorneqaqqusaanngillat.

Imm. 2. Qimmit ataasiakkaarlugit imaluunniit marlukkaarlugit pitoqqasut, pituutaq siaaqqatillugu, akornanni ungasissuseq naannerpaamik 1 meteriussaaq.

Imm. 3. Qimmit ataasiakkaat pituffii kalunnerit, ikinnerpaamik marlunnik atorsinnaasunik qissaruteqassapput.

Imm. 4. Pituffiit kalunnerit qissarutillu ima pitsaassuseqassapput, qimmit aalasinnaassusianik killiliisuusumik pituuttat ilarunnissaannut pisunilluunniit allanik pilersitsisinnaasunut aarlerinaat minnerpaaffianiitilerlugu.

Imm. 5. Pituuttap takissusia naleqqussarneqarsinnaassaaq, taamaalilluni qimmeq tamatigut, assersuutigalugu qimmit illuannut, kiisalu aputip issussusia eqqarsaatigalugu, panertumut inissisimavimmut, oqquffimmut pisinnaaniassammat.

Imm. 6. Pituffimmut aallaaviusumut qimmit arlallit pisussimasinnaanerak akuerisaavoq, qimminut ataasiakkaanut tamanut imm. 1-imiit 5-imut eqquutsinneqarsimappata.

Imm. 7. Qimmit kisimiitillugit pitutat, qimmeqatigiit sinnerinut attuumassuseqartillugit qimminullu inissiivimmi pineqartumi, inissinneqarsimassapput.

Imm. 8. Qimmit kisimiitillugit, qimmeqatigiit akornanniitinnagit sivikitsumik imaluunniit utaqqiisaasumik pitussimasinnaapput.

§ 27. Qimmit inissisimaffianik pilersitsinermi akiliutip, sukkulluunniit Kommune Qeqertalimmi akil allassimaffiat atuuttoq malippaa.

#### *Qimmeqatigiit imminnut ungasissusiat*

§ 28. Aqquernup aamma pisortatigoortumik pisuinnaat aqquerngata, matumani pisuttuarterfiit ataarterfiillu ilanngullugit, killinganiit qimmit aamma qimmeqatigiit qaninnerpaamik 5 meterimik aamma illunut qaninnerpaamik 7,5 meterimik ungasissuseqartillugit pitutaassapput.

Imm. 2. Qimmit qimmeqatigiillu pitunneqarsimassapput taamaalilluni aqqusinernut, pisuinnaat aqquataannut, qimussit illernginut, illunut, teknikkikkut atortulersuutinut aamma pisortat atortulersuutaannut akornuteqanngitsumik appakaattoqarsinnaassalluni. Pisortat atortulersuutaannut qimmit pitunnissaat inerteqqutaavoq.

Imm. 3. Illunut allanut 7,5 meterinik ungasinnerunngitsumik inissiinermi, nunaminertamik atugassiissutip tunniunneqarnera sioqqullugu eqqaamiunit eqqorneqartunit akuersilluni atsiornermut uppersaammik allaganngukkamik qinnuteqartoq pissarsissaaq.

§ 29. Atuarfinit, paaqqinnittarfinit, nerisassanik tunisassiorfinit, matumani igaffiit angisuut, illorsuit quleriaat, eqqaassutissat, pinnguartarfiit, unnuisarfiit, iliveqarfiit assigisaallu ilanngullugit, pilersaarusiornikkut periarfissaqartunit assut ungasissumut qimmit pitunneqassapput.

Imm. 2. Qimmeqarnermut immikkoortortamut aalajangersakkat, illup iluani qimmeqarsinnaanermik periarfissamik mattussinngillat, matumani immikkut ittumik akuersissummik pisoqarsinnaanera anguneqarsinnaappat, tak. § 22.

*Arnavissat naartusut sarliallit kiisalu qimminut ungalukkaat*

§ 30 Arnavissat naartusut sarliallillu inissinneqassapput pitunneqarlutilluunniit, taamaalilluni sukkulluunniit akornutitaqanngitsumik qimmit illuaraannut isernissamut imermullu appakaassinnaalersillugit.

Imm. 2. Arnavissanut naartusunut sarliallinnulluunniit aamma qimmiaqqanut qimmit illuarai ungaluukkallu, qajannaatsuullutillu inissaqarluassapput. Qimmit illuaraanni qimmeq nikorfasinnaassaaq. Qimminut illuaqqat ima iluseqassapput taamaalillutik anorimut, sialummut apummullu illersuutaasinnaassallutik. Ungalut ima suliarineqarsimassapput taamaalilluni qimmit namminneerlutik anillassinnaajunnarsinneqassallutik.

*Qimmit angalaannartut, pigineqanngitsut unioqquitsillunilu eqqussat kiisalu qimmit kiisortut*

§ 31. Qimmiminik pituussaartoqarsimasooq angalaannartoqartorluunniit qimminik piginnittup paasiguniuk, taassuma tamanna kommunimut nalunaarutigissallugu pisussaataavoq, matumani qimminik nakkutilliisooq ilanngullugu.

Imm. 2. Kinaluunniit qimminik angalaannartunik, inuttaqanngitsunik imaluunniit unioqquitsisumik qimminik eqqunneqartunik ilisimasaqalersup, tamanna kommunimut nalunaarutigisinaavaa, matumani qimminik nakkutilliisooq ilanngullugu.

§ 32. Qimmit angalaannartut, inuttaqanngitsut kiisalu unioqquitsisumik eqqunneqartut kommunip qimminut nakkutilliisuanit taassumalu ikiortaanit nalunaarsorneqartariaqarput tiguneqarlutillu.

Imm. 2. Toqutseratarsinnaaneq sioqqullugu naammaginarumik piffissaliilluni aamma akunnernik 72-inik sivikinnerunngitsumik, piginnittoq qimminik nakkutilliisup ujasavaa aammalu immikkoortup, illoqarfiup imaluunniit nunaqarfiup kalerriinermi periusersaa malillugu pissutsit pineqartumut kalerrisaarutigissallugit. Piffissaliunneqartup iluani pissutsit piginnittumit iluarsiivigineqarsimanngippata, piginnittumut taarsiissutitaqanngitsumik qimmeq toqunneqassaaq imaluunniit tuniniaqqinneqassaaq.

Imm. 3. Qimmit angalaannartut inunnut allanut aalajangersimasumik ulorianartorsiortitsisinaasut, piginnittumut taarsiissutitaqanngitsumik politiinit imaluunniit qimminik nakkutilliisumit toqunneqarsinnaapput.

Imm. 4. Qimmit inunnik saassussisimasut imaluunniit uumasunik allanik uiartuisimasut, piaartumik toqunneqassapput.

### **Kapitali 3**

*Oqartussat, ingerlatsineq, nakkutilliineq, naammagittaalliorneq aamma kinguneqartitsiissutit*

### *Ingerlatsineq nakkutilliinerlu*

§ 33. Ileqqoreqqusap aalajangersagartai eqquutsinneqarnersut Kommunalbestyrelsip nakkutigissavai.

§ 34. Ileqqoreqqusap uuma akuersissutigineqarnerata ilutigisaanik, Kommunalbestyrelsip piginnaatitsissutini Ataatsimiititaliaq Inoqarfimmut tunniutissavaa ileqqoreqqusallu allaffissornertaa najukkami Inoqarfiup immikkoortortaanut tunniutissallugu. Suliap ataatsip Kommunalbestyrelsimit aalajangiiffigineqarnissaanik ataatsimiititaliami ilaasortap ataatsip piumasaqarsinnaaneranut pisinnaatitaaffia, tunniussinerup aporfeqalersissinnaanngilaa. Tunniussineq sukkulluunniit Kommunalbestyrelsip utertissinnaavaa.

Imm. 2. Qimmeqatigiinnut nunaminertamik atugassiissutit kiisalu ingerlatsineq nakkutilliinerlu, najukkami Inoqarfiup aqutsivigissavai.

Imm. 3. Kommune Qeqertalik suli pilersaarusiortassaaq atugassiisarluunilu taamaalilluni qimmeqatigiinnut nunaminertat amiganngitsut naleqquttullu kiisalu appakaaffigineqarsinnaasut pigineqarniassammata.

Imm. 4. Ileqqoreqqusap una Kommune Qeqertaliup aqutsivigivaa matumani ilanngullugit:

- 1) Qimminik piginnittunut qimmeqarnej pillugu ilitsersuutunik immersugassanillu suliaqarnej nutarterinerlu.
- 2) Qimmit pitoqqanngitsut il.il. pillugit kalerriutiginninniarluni attaveqarfissat pillugit paasissutissat suliarineri, nutarterneri aamma periutsit pillugit paasissutissiineq.
- 3) Akerleriittoqartillugu qimminut inissiiviit pillugit naammagittaalliutunik nakkutilliinermillu isumaginnineq.
- 4) Qimmeqarnermut atatillugu torersuutitsinissamut atugarissaartitsinissamullu tunngasutigut kinguneqartitsineq.
- 5) Qimmit inissisimaffissaasa tunniunneqarsimasut, qimminik piginnittut aamma akiuussutissamik kapitinnerit pillugit nalunaarsuiffinnik nutarterisarnej, suliaasaqarfiup nakkutilliiviginissaanut pisariaqartinneqartut.
- 6) Uumasunut oqartussaaffeqarfimmut qaammatit pingasukkaartumik nunallu immikkoortukkaartumik ataatsimoortumik nalunaaruteqarnerit, tak. tamanna pillugu isumaqatigiissut.
- 7) Perlerornerunngitsumik allamilli napparsimasoqalerneranut atatillugu mattussinissamut, sumiiffiit akornanni ingerlaaqqusinnginnermut, eqqiluisaarnermut, saliinermut il.il. tunngatillugu uumasunut oqartussaaffeqarfiup isumasiornera aallaavigalugu qanoq kaammattuisoqarsinnaaneranut periuseq suliaqarnej nutarterisarnerlu.
- 8) § 35 atuuffiillu tassannga aallaaveqartut naapertorlugit sulisunik atorfinitsitsineq (qimminik nakkutilliisoq pisariaqarpallu ikiortaa).

### *Qimminik nakkutilliisoq*



§ 35. Kommunalbestyrelsip qimminik nakkutilliisoq toqqassavaa, taanna qimmeqarnermut tunngasutigut suliassat tulluuttut isumaginissaannut akisussaasuusaaq:

- 1) Qimminik piginnittut nalunaarsornerat.
- 2) Qimmit inissisimaffiitut akuersissutit atuuttut pigineqarnerinik nakkutilliineq.
- 3) Qimmit inissisimaffiisa torersuutinnissaanut atugarissaarfiutinnissaanullu tunngasunik sakkortusisamik nakkutilliineq nalunaaruteqartarnerlu.
- 4) Qimminik angalaannartunik aamma qimminik inuttaqanngitsunik unioqqutitsillunilu eqqussanik pigineqartunillu ujaasineq aamma tigusiniarneq imaluunniit toqutsineq.
- 5) Qimminik akiuussutissamik kapuuneq kiisalu perlerornermut akiuussutissamik kapitinnermut akiuteqarnermut uppernarsaammik ilisarnaammillu tunniussineq.
- 6) Akiuussutissamik kapuinerit toqqorsivimmilu uninngasuutit qassiunerinik nalunaarsuineq kiisalu taaku Kommune Qeqertalimmut nalunaarutiginerat.
- 7) Qimmeqatigiinnut nunaminertani atugassiissutaasimasuni kikiassuarneq pitutsivissanik qillerineq.
- 8) Qimminik piginnittumit qinnuiginninneq aallaavigalugu qimminik toqutsineq.

§ 36. Qimminik akiuussutissamik kapuinerinik isumaginninnissamut Kalaallit Nunaanni uumasut nakorsaata pisortaannit qimminik nakkutilliisoq pisinnaatinneqassaaq.

§ 37. Politiitut oqartussaasunit illoqarfiup aamma nunaqarfiup killeqarfiata iluani qimminik toqutsinissamut qimminik nakkutilliisoq pisinnaatinneqassaaq.

Imm. 2. Qimmit inissisimaffianni namminermit qimminik toqutsisoqassanngilaq, tamanna uumasunik illersuinerinik patsiseqartumik pisariaqarsimanngippat.

§ 38. Qimminik nakkutilliisoq suliassa qarfimmi ingerlatsinerimut akisussaasumut attaveqartassaaq.

Imm. 2. Suliassa qarfimmi qimminik nakkutilliisumik assigisaanilluunniit toqqaasoqarsimanngippat, suliassa qarfimmi ingerlatsinerimut akisussaasoq § 35-imi taaneqartoq, suliassat isumaginissaannut suliakkiutigisarnissaanullu akisussaavoq.

§ 39. Sullissivik, najukkami kiffartuussinerimut qitiusoqarfik, nunaqarfimmi allaffik kiisalu suliassa qarfimmut ingerlatsinerimut akisussaasoq aqutigalugu qimminik nakkutilliisoq attaveqarfigineqarsinnaavoq.

§ 40. Qimminik toqutsinerimut akiliutip, sukkulluunniit Kommune Qeqertalimmi akit allasimaffiat atuuttoq malippaa.

#### *Naammagittaalliuteqarneq*

§ 41. Qimmeqarnermut atatillugu akornusersuutitut naammagittaalliutit Kommune Qeqertalimmut tunniunneqassapput, matumani ilaapput suliassa qarfimmi ingerlatsinerimut akisussaasoq, Sullissivik, najukkami kiffartuussinerimut qitiusoqarfik imaluunniit nunaqarfiup

allaffia aqqutigalugu. Inatsisinik unioqutitsinerit aamma torersuutitsinissamut tunngassut pillugit naammagittaalliutit, politiinut tunniunneqassapput.

Imm. 2. Naammagittaalliutit, naammagittaalliutinik tiguisissamut eqqortumut ingerlatseqqinneqartassapput.

#### *Kinguneqartitsinerit*

§ 42. Ieqqoreqqusamik uuminnga unioqutitsisoq akiliisinneqarnissamik eqqartuunneqarsinnaavoq.

Imm. 2. Ieqqoreqqusamik uannga sakkortuumik imaluunniit arlaleriartumik unioqutitsinerimi, inuit qimmeqarnissaminut imaluunniit allanik uumasuuteqarnissaminut inerteqquteqarfigineqarnermik eqqartuunneqarsinnaapput. Inerteqquteqarneq piffissaligaanngitsumik imaluunniit sivikinnerpaamik piffissami ukiumi ataatsimi atuuttunngortinneqarsinnaavoq.

Imm. 3. Akuersissutinik imaluunniit qimminut nunaminertanik atugassiissutinik atonerluinerimi, qinnuteqartup qimminut nunaminertamik atugassinneqarnermik qinnuteqaataa Kommunalbestyrelsip itigartissinnaavaa.

Imm. 4. Ieqqoreqqusamik uannga sakkortuumik imaluunniit arlariartumik unioqutitsineri imaluunniit nunaminertamik atugassiissutaasumik atonerluinerimi, nunaminertaq atugassiissutaasoq aammattaaq Kommunalbestyrelsip uterteqqusinnaavaa.

### **Kapitali 4**

#### *Atuuttunngortitsineq*

§ 43. Ieqqoreqqusaq una, akuersissutigineqarnerata ullulerneqarnerata kingorna sapaatip akunneri sisamat qaanngiunneranni atuuttunngussaaq.